

Date – 09/05/2025

Time - 18:30 Hrs

HEADLINES

1. Chief Minister Pu Lalduhoma'n Education Department buatsaih Chief Minister Award chu vawiin khan kumin Pawl 10 leh pawl 12 zirlai titha zualte hnenah a hlan.
2. International Nurses Week pualin vawiin khan RIPANS chuan Millenium Centreah mipuite tan a thlawna inentirna hun an buatsaih.
3. India sipaite chuan nizana ramchhung hmarlam leh khawthlang lam khawpuite Pakistan sipaiten drone leh missile hmanga kah an tum chu an lo kapthla vek
4. Sawrkar chuan ramchhung mipuite nitin mamawh leh hnathawhte buai lova tluang taka kal thei turin hma a la.

<><><>

CM

Chief Minister Pu Lalduhoma'n Education Department buatsaih Chief Minister Award chu vawiin khan kumin Pawl 10 leh pawl 12 zirlai titha zualte hnenah a hlan.

Chief Ministers Award hlanna inkhawm hi Aizawl Vanapa Hall ah neih a ni a, Pu Lalduhoma chuan CM award chu sawrkarin MBSE Exam pahniha topper te sorkarin a ngaihlutzia leh an kal zelna tura duhsakna an tihlanna a ni a ti a, CM Award chu huang dangah pawh sem a nih zel tur thu a sawi.

Kumin CM award dawgtu te chu HSSLC Topper Science - Cynthia Lalhlupuii Shangpliang, St. Paul's HSS.

HSSLC topper Commerce - Kristin Laldinpuii Ralte, Oikos HSS

HSSLC Topper Arts- Lalrammawii Tochhawng, Mt. Carmel School te an ni a, anni bakah hian HSLC topper - PC Lalthakimi, KD High School hnenah hlan a ni bawka. Chawimawina hian Tangka fai Rs. 50000, Memento leh Citation te a keng tel a ni.

Pu Lalduhoma chuan state thawhchhuah ropui ber chu mihring te theihna a ni ati a, Natural Resource lamah ram chu hausa mahse mipuiin a zir loh chuan chhawr tlak anih loh thin thu a sawi a. Ram mipuite an fin var a, hriatna leh thiamna lama an san chuan, natural resource nei tha ram nilo tepawh ram dang atanga raw material-te lalutin ram hausa takah an indin chhuak thei tho thin thu he hun a hian a sawi.

Pu Lalduhoma chuan Mizoram chu ziaik leh chhiar thiam tamna state a ni ati a, report thar ber a lo chhuak dawn hnai ni a sawi in, Mizoram chu India rama ziaik leh chhiar thiam tamna ber state a nih ngei a rin thu a sawi bawka. Zirna lamah sawrkarin ngaihtuahna an sen nasat laiin sum leh pai dinhmun mila kal a ngai a, chak taka thil tih zung zung a harin Sawrkar chu a tumah a Chiang a, phak tawka anga kal zel a tum a ni a ti.

<><><>

MUHCS MEETING

Mizoram Health Care Society buatsaihin Mizoram Universal Health Care System kalpui mek thlirhona vawiin khan MINECO ah neih a ni a, he hun hi Health Minister - Pi Lalrinpuiin a hmanpui a ni.

Health Minister chuan Mipui hmangaih vanga Mipui Health Care hi duan a ni tih a sawi a, mipui sawrkar, mipui ta, mipui tana ding Sawrkar in mipui tana Health Care system hi a duan a nih tlat avangin a hlawhtlin chhoh zel beisei a ni a ti.

Sawrkar chuan theihtawpin Sawrkar damdawiin-te a thuam that zel thu sawiin, Pi Lalrinpuii chuan, Nurse 300 lak belh an ni a, multi task worker 100 lak thar an ni a, thawktu hrang hrang X Ray technician, lab technician leh Public Relations Officer(PRO) te thlengin lak belh an ni a ti a. Health Worker 100 lakbelh a ni dawn mek tih sawi bawkin Nabard hnuaiah PHC leh sub centre engemaw zat sak that a ni dawn a, JICA hnuaia cancer superspeciality hospital din tur chu kalpui mek a ni a, ZMC hnuaia ICU 13 siam belh tur te, Cardio thorasic leh neuro surgery unit din thar tur te, Aizawl Civil Hospital a Kidney transplant lam din tura hmalak mek anih thu te, IVF centre level 1 license pek a nih dante a tarlang bawk a, Sawrkarin theihtawp a chhuah avangin PHC/CHC te chu mipui hmangaihna nen, tun aia nasa lehzuala tan la turin a fuih bawk a ni.

He hunah hian Mizoram hmun hrang hranga Community Health Centre leh Primary Health Centre a thawktuten MUHCS an kalpui dan chungchanga an hmalakna leh harsatna tawh hrang hrangte an sawi ho a ni.

<><><>

INTERNATIONAL NURSES WEEK

International Nurses Week pualin vawiin khan RIPANS chuan Millenium Centreah mipuite tan a thlawna inentirna hun an buatsaih.

College of Nursing, Regional Institute of Paramedical & Nursing Sciences, Zemabawk hian vawiin khan mipuite tan hriselna kawnga inzirtirna leh a thlawna inentirna hun an buatsaih a, A mamawh tan multivitamins leh pum damdawi a thlawna pek niin damdawi hi Hauz Pharma Pvt Ltd ten an rawn thawh a ni.

Kum tinin International Nurses day hi May ni 12 ah hman thin ani a. Modern Nursing hmu chhuak tu Florence Nightingale piancham pual in 1974 atang khan hman tan niin International Nurses week kar khat chhung hian khawvel pum ah Nurse ten thil tha tih nan hun an hmang thin a. Mizoram ah chuan damdawiin leh nursing zirna in hrang hrang ten Nurses day thupui zirna bakah hriselna kawnga zirtirna pek te leh mipui hriselna endik nan hun an hmang thin a ni.

Ripans-a zirtirtu Pi Laldinpuii Sailo chuan vawiina free clinic an buatsaih ah nursing faculty leh nurse zirlai mi 35 in an thutchilh thu a sawi a, a duh apiang tan a thlawna inentir theih bakah damdawi pawh a thlawh in an sem tih sawiin mipuiin hna an thawh theih nan hriselna a pawimawh hle ati a, hnathawktu hriselna atan nurse te chuan mawhphurhna sang tak an nei tih a sawi bawk.

Nurse te hi damdawiin piah lam ah Health centre hrang hrang ah an thawk in, hriselna kawnga sawrkar hmalakna hrang hrang hriselna endik te, nu naupai, naupang, kum upate hriselna enkawl kawngah hna thawk thinin Damlo ten an hmuh hmasak ber leh an hmuh hnahnun ber chu Nurse te an ni a, dinhmun harsa taka an awm laia puitu leh hnem tu an ni.

<><><>

ECI

Election Commission of India Principal Secy Pu N.T. Bhutia, chuan ni hnih cham turin Mizoram a rawn tlawh a.

Vawiin khan Directorate of Election-ah Election Department hotute nen meeting neiin, Election Department tihhmasawn leh tihchangtlung a nih theih nana mamawh hrang hrangte sawi ho niin, inthlan kaihhnawiha a ruahmanna hrang hrangte Election Commission of India duh dan anga fel fai taka kalpui a nih theih dan tur te sawi ho a ni bawk.

Meeting neih zawhah hian Pu N.T. Bhutia hian Aizawl West-III leh Aizawl South-I Assembly Constituency huamchhunga Polling Station thenkhat a tlawh nghal a. Vawiin tlai hian Thenzawl a pan anga, naktuk khian Serchhip Assembly Constituency huamchhunga Polling Station thenkhat a tlawh ang.

<><><>

MNF PRESIDENT

MNF President Pu Zoramthangan MNF an sorkar leh chuan District Council-a MDC te duh duha an pakai thei danna Parliament-a pass tir turin theih tawp an chhuah dawn a ti.

Mizoram chhim lam fanga thang mek MNF President chuan vawiin khan Lawngtlai Mizo Hnam Run leh Siaha Mizo Hnam Run a tlawh a. Heng hmunah te hian thu sawiin Pu Zoramthanga chuan, MNF chuan Indo, underground politics leh thil hrang hrang MNF in a paltlang nasa lutuk a. Chuti chung chuan MNF chu Mizorama party ruhrel lian ber a la ni mek a ti a. Mizoram leh a mipuite Pathian chanchintha hril darh tura buatsaih hi MNF thil tum a ni a, chu chu MNF foundation a ni a ti.

MNF President chuan, Pathianin MNF hmelmate a sut tluk sak dan chu MNF chakna hmangin a ni ngai lo a. A chawi sang te te a, an tlachhe leh mai thin a ti a. PC leh Congress te chiang takin a lal tir a, ZPM pawh mipuite a hriat chian tir theih nan a lal tir zet a. Mipuiten an hrechiang ta mek a. Engmah an lo ni lo tih a lang mek a, a ni telin an hniam raih raih a. An sorkar leh ang em, tih lam a ni lo, tun term hi an daih ang em, tih chu mipui zawhna a ni tawh a ni, a ti.

Pu Zoramthanga hi MLA Pu R Rohmingliana leh Party hruaituten an tawiawm a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni. Naktuk zing dar 7 leh a chanve-ah Chanchinthar puan leh a ni ang.

<><><>

MHA

MHA Internal Security Division chuan social media-a Sipate veivak leh chevel chungchang vawrhdarh a khap. Nimin khan Ministry of Home Affairs (Internal Security Division) chuan state Chief Secretary leh DGP zawng zawngte hnenah lehkha hmanhmawh thlak kaltlangin Media mite hriattirna a thawn a. He hriattirnaah hian tunlaiin India leh Pakistan inkarah boruak muanawm loh a thlen mek avangin Sawrkar Laipui chuan venghimtu sipaiho te veivak leh che vel reng reng thlalak,video leh news anga vawrh darh a khap a ti a, Ram venhimna atana hriattirna pawimawh MHA in a tichhuah hi Mitin te - a bikin Media leh Social Media lamah content creator te leh vlogger te chu zawm vek tura hriattir an ni a ti bawk.

<><><>

PAKISTAN MISSILE

India sipate chuan nizana ramchhung hmarlam leh khawthlang lam khawpuite Pakistan sipaiten drone leh missile hmanga kah an tum chu an lo kapthla vek. Integrated Defence Staff Headquarters sawidanin Jammu, Pathankot, leh Udampur-a sipai hmunte leh ramri hmun thenkhat anrawn kap a. India sipate chuan heng missile te hian pawian khawih hmain an lo kapthla vek a.

Thudawn danin Pakistan chet dan hi HAMAS hoin Israel an beih dan nen a inang hle a. Pakistan sipate hi HAMAS firfiakte ang maiin an che a.Thla hmasa khan PoK ah Pakistan ISI leh HAMAS te hi an inhmu nia thudawn a ni a. Pakistan sipate hian Jammu, Pathankot leh Udampur-a sipate tan hmun chu missile leh drone hmangin an bitum nia thudawn a ni a. Indian Army ten heng missile te hi an lo kapthla hman vek a ni.

Defence lam thuneitute sawidanin ramchhung khawthlang lam ramri hnaih khuaahte drone engemawzat hmuh a ni a. Heng drone te hi Indian air defence system ten an lo kapthla vek a ni. Nizan dar 11 vel khan Border Security Force ten Jammu &

Kashmir Samba District-a International Boundary kanruk tum firfiakte an lo kap bawk a ni.

Heng bakah hian Pakistan sipaite hian Punjab-a hmun engemawzat an rawn kap bawk a. Pathankot, Jalandhar, Amritsar leh Bhatida te chu drone hmangin an rawn kap a. Heng drone te hi sipaiten an lo kapthla vek a. Chhiatna liantham a thlen hriat a ni lo.

Punjab hian Pakistan nen ramri km 553 a nei a. Venhimna lamah a inralring hle a. State Health Deptt. pawh darkar 24 inralring reng tura tih an nai.

<><><>

FAKE NEWS

India-in na taka an hmalakna a chhanlet zel avangin Pakistan lam chuan thuthar dik lo leh belhchian dawl lo thehdarh lamah nasa takin tan a la. Pakistan hian media te a dik lo lama hruai tumin dawt thu a thehdarh nasa hle a. Mipui ngaihda ti danglam thei leh khawvel ramdangte hmuhna thlak thei video leh thlak dik lo a vawrh darh mek a ni.

Hetianga Pakistan hmalakna avangin mipuite chu thudik leh rintlak thliar thiam tura ngen an ni a. India sipaite chungchanga thu dik tawh lo leh phuahchawp dawngte chuan PIB Fact Check ah report theih reng a ni a. Hei bakah hian WhatsApp number 8799711259 lehd Email ID -socialmedia@pib.gov.in ah te thehluh theih a ni.

<><><>

MINISTRIES PREP

Sawrkar chuan ramchhung mipuite nitin mamawh leh hnathawhte buai lova tluang taka kal thei turin hma a la. Ministry leh Department hrang hrante chuan kil tinah inpuahchahna kalpuiin ministry-te pawh tha takin an thawkho a. Vawiin khan Union Health Minister JP Nadda kaihhruaiin Health Ministry hotuten ramchhunga damdawiin leh hmunhma inpuahchahna an thlirho a. Union Finance Minister Niramala Sitharaman-i hoin bank leh financial institution ten internet lama beihna an tawh theih laka inpuahchahna an thlirho bawh a. Public Sector Bank te chuan ATM, pawisaw dahluhna leh lakchhuahna khawh bakah khawh dangten tha takin hna an thawk thei tih an sawi a ni. Indian Oil Corporation pawhin vawiin khan thuchhuah siamin ramchhungah tuialhthei chhekkhawl sa a tam tawh tih an sawi a. Tuialhthei semkualna pawh tluang takin a kal tih sawiin mipuite chu chia i avanga mamawh bak lo chhek lo tur leh tul lova inchuh buaina thlen tir lo turin an ngen a ni.

<><><>